



Broj: 01-02-66-5/17
Sarajevo, 13.3.2017. godine

- Institucije Bosne i Hercegovine

***PREDMET:** Informacija o stupanju na snagu Instrukcije o privremenom utvrđivanju pripadnosti fakulteta naučnim oblastima za potrebe provođenja konkursnih procedura za izbor državnih službenika.-*

Instrukcija o privremenom utvrđivanju pripadnosti fakulteta naučnim oblastima za potrebe provođenja konkursnih procedura za izbor državnih službenika ("Službeni glasnik BiH", broj 17/17), objavljena je u „Službenom glasniku Bosne i Hercegovine“ dana 10.3.2017. godine, a ista stupa na snagu osmog dana od dana objavljivanja, 18.03.2017. godine (u daljem tekstu: Instrukcija).

Instukcijom se privremeno utvrđuje pripadnost fakulteta naučnim oblastima za potrebe provođenja konkursnih procedura za izbor državnih službenika u institucijama, koje realizuje ili kojima pruža stručnu pomoć Agencija za državnu službu BiH ("Agencija"). Okvirni osnov za donošenje Instrukcije proističe iz zakona, a izričit pravni osnov za donošenje instrukcije nalazi se u članu 14. stav (11) Pravilnika o karakteru i sadržaju javnog konkursa, načinu provođenja intervjua i obrascima za provođenje intervjua („Službeni glasnik BiH“, broj 63/16), kojim je propisano da će Agencija za potrebe provođenja konkursnih procedura posebnim aktom urediti razvrstavanje određene visokoškolske ustanove grupaciji fakulteta, odnosno naučnoj oblasti, imajući u vidu različite propise iz oblasti visokog obrazovanja, kao i ovlasti nadležnih institucija iz oblasti visokog obrazovanja, uključujući i pitanja kvalifikacija stečenih izvan BiH.

Instrukcija koristi pojam naučne oblasti propisan Uputstvom o metodološkom okviru i principima za izradu pravilnika o klasifikaciji naučnih oblasti, polja i grana („Službeni glasnik BiH“, broj 47/12), odnosno dokumentom "Revidirana klasifikacija oblasti nauke i tehnologije" (FOS) po Fraskatijevom priručniku koji je sastavni dio navedenog Uputstva, iako je samo utvrđivanje pripadnosti izvršeno na nešto drugačiji način od onog utvrđenog Uputstvom, imajući posebno u vidu potrebe državne službe i odredbe pravilnika o unutrašnjoj organizaciji institucija.

Instrukcija se primjenjuje u svim procedurama koje za osnov imaju Zakon o državnoj službi u institucijama BiH ("Službeni glasnik BiH", br. 19/02, 35/03, 4/04, 26/04, 37/04, 48/05, 2/06, 32/07, 43/09, 8/10 i 40/12) i njegove podzakonske akte, a sa ciljem kako izbjegavanja velike razlike kod grupisanja istih ili istovjetnih fakulteta, s obzirom na različitost važećih propisa i nadležnih institucija iz oblasti visokog obrazovanja na teritoriji cijele BiH na osnovu čega se određuje i različita pripadnost naučnim oblastima istih fakulteta, registrovanih u različitim sjedištima, u zavisnosti od propisa koje donose nadležni organi, uzimajući u obzir i činjenicu uslova navedenih u pravilniku o unutrašnjoj organizaciji svake institucije ponaosob, tako i osiguranja jednakog postupanja i izbjegavanja diskriminacije domaćim i međunarodnim propisima. Međutim, institucije BiH (uključujući i one koje nisu obuhvaćene državnim

službom), takođe mogu primjenjivati ovu Instrukciju u svojim konkursnim procedurama (za lica koja nisu državni službenici – zaposlenici, policijski službenici, profesionalna vojna lica, itd.), pod uslovom da ista nije u suprotnosti sa pravnim osnovom raspisivanja oglasa i provođenja konkursne procedure po navedenom oglasu, o čemu će odlučivati institucija nadležna za oglašavanje i provođenje konkretne konkursne procedure.

Samo generalno utvrđivanje pripadnosti fakulteta određenoj naučnoj oblasti za konkursne procedure zasniva se na činjenici da najmanje jedan nadležni organ u Bosni i Hercegovini određenu diplomu visokoškolske ustanove svrstava u naučnu oblast koja je tražena u tekstu oglasa za konkretno radno mjesto državnog službenika za koje se provodi konkursna procedura, u skladu sa čime Agencija sačinjava, vodi i ažurira tabelu koja je dostupna na linku http://www.ads.gov.ba/v2/index.php?option=com_content&view=article&id=4290&Itemid=205.

Specijalno utvrđivanje pripadnosti fakulteta koje se uvijek primjenjuje kada je to za kandidata povoljnije izvršeno je članom 5. stav (5) Instrukcije:

- humanističke nauke se podrazumijevaju kao društvene nauke;
- biotehničke nauke se podrazumijevaju kao tehničke nauke;
- prirodno – matematičke nauke se podrazumijevaju kao prirodne nauke;
- poslovanje, administracija i pravo se svrstavaju u društvene nauke;
- turizam, razredna nastava i predškolsko vaspitanje se svrstavaju u društvene nauke;
- inženjerstvo, tehnologija i građevinarstvo se svrstavaju u tehničke nauke;
- poljoprivreda, ribarstvo i šumarstvo se svrstavaju u tehničke nauke;
- biomedicinske i zdravstvene nauke (biomedicina i zdravstvo), zdravlje i zaštita zdravlja se svrstavaju u medicinske nauke;
- nauka o okolišu i zaštita okoliša se svrstavaju u prirodne nauke.

Kada su u pitanju diplome stranih visokoškolskih ustanova (uključujući i strane vojne visokoškolske ustanove), koje su diplome priznate (nostrificirane) u BiH, a za koje nije moguće utvrditi kojoj naučnoj oblasti pripada određena kvalifikacija, pojašnjenja o tome daje Agencija, uz eventualnu konsultaciju sa drugim nadležnim tijelima (Ministarstvo civilnih poslova BiH, Centar za informisanje i priznavanje dokumenata iz oblasti visokog obrazovanja, organi uprave u entitetima nadležni za oblast obrazovanja), vodeći računa o vrsti fakulteta, usmjerenju, stečenom zvanju i eventualno studijskom programu, u slučaju kada diploma, rješenje o nostrifikaciji ili akt o priznavanju ne ukazuje na isključivu pripadnost. Sličan pristup propisan je i za visoke vojnoškolske ustanove završene u Socijalističkoj Federativnoj Republici Jugoslaviji, o čemu će pojašnjenja davati Agencija, a koje će se svrstavati u one oblasti čiji su im studijski programi najbliži.

Instrukcija će važiti dok se ovo pitanje ne uredi na trajnoj osnovi u cijeloj BiH, te dok se ne implementiraju novi propisi vezani za unutrašnju organizaciju institucija BiH, pri čemu se pretpostavlja da će se uzeti u obzir pripadnost visokoškolskih ustanova različitim grupacijama.

U procesu usvajanja, na Instrukciju su pribavljena pozitivna mišljenja Ministarstva civilnih poslova BiH i Ministarstva pravde BiH.

Dostavljeno:

- naslovu
- arhiva



DIREKTOR
Neven Akšamija

Neven Akšamija